

<div class="tekst_glavni"> <p>Goražde, 23.03.2011.</p> <p></p> <p>Danas je održana 5. sjednica Skupštine Udruženja poslodavaca Bosansko-podrinjskog kantona Goražde, kojoj je u ime Vlade BPK-a Goražde prisustvovao ministar za privredu Demir Imamović.</p> <p></p> <p></p> <p>Predsjednik Skupštine ovog Udruženja Avdo Kuljuh, na početku sjednice, čestitao je Nasihi Džaka na priznanju Najuspješnijih menadžera u BiH iz oblasti malog biznisa, u izboru Nezavisne agencije iz Zenice, Evropskog udruženja menadžera i časopisa Euromanagement.</p> <p>On je informisao članove o potpisanom sporazumu sa kantonalnom Službom za zapošljavanje, kao i o izdatom Katalogu privrede u kojem su predstavljeni privredni subjekti sa područja Bosansko-podrinjskog kantona.</p> <p></p> <p>Pored rasprave o radu, u kojoj je istaknuta potreba za uključivanjem svih privrednih subjekata u članstvo ovog Udruženja radi efikasnijeg i boljeg rada, najveći dio diskusija odnosio se na razmatranje trenutne ekonomske situacije na području BPK-a Goražde. Ona, kako je ocijenjeno, nije dobra i to na svojoj koži osjeća većina goraždanskih privrednika. Razvoj građanske ekonomije, nedovoljna ili skoro nikakva zaštita domaće proizvodnje, visoke stope poreskih doprinosa, nedovoljni podsticaji. Stoga je Udruženje poslodavaca BPK-a Goražde na današnjoj sjednici ukazalo na neophodnost većeg saradnje sa Vladom Kantona i resornim Ministarstvom privrede u izradi Strategije privrednog razvoja Bosansko-podrinjskog kantona Goražde. Zaključeno je da Upravni odbor pripremi materijal koji će biti polazna osnova za razgovore sa premijerom i Vladom o ovoj temi.</p> <p></p> <p></p> <p>Prema riječima ministra privrede Demira Imamovića, Strategija razvoja privrede nalazi se u Programu razvoja Kantona za četiri godine, no prije nekih značajnijih pomaka u ovoj oblasti, neophodno je provesti niz reformi, među kojima su i reforme javne uprave i socijalnog sektora. Prioritet će se svakako dati firmama koje zapošljavaju veću broj radnika i izvozno su orijentisane. Ministar Imamović najavio je neke promjene u budžetu u odnosu na prošlu godinu, podršku zapošljavanju i smanjenje stope doprinosa, kao i drugačiji pristup podsticajnim sredstvima, kroz projekte, gdje bi Udruženje poslodavaca moglo da odigra značajnu ulogu.</p> <p></p> <p></p>

.JPG" alt="sjednice_sastanak_poduzetnika_230311_b1_8.JPG" border="0" /></p>

<p>Direktorica kantonalne Službe za zapošljavanje Nafija Hodo istakla je dobru saradnju Službe sa Udruženjem poslodavaca, koja je konkretizovana i potpisanim sporazumom. Ona je navela podatak da je u prošloj godini Služba za zapošljavanje realizovala 12 programa, aktivnih mjera politike zapošljavanja, u kojima su učestvovala 124 goraždanska poslodavca i 349 osoba sa evidencije nezaposlenih, u ukupnoj vrijednosti od milion i 55 000 KM. Zahvaljujući tome, Bosansko-podrinjski kanton Goražde, prema riječima direktorice Službe za zapošljavanje, jedini je kanton u Federaciji BiH u kome je stopa nezaposlenosti smanjena za 8,6 % u odnosu na prošlu godinu.</p> <p></p> <p>Na sjednici Skupštine usvojeni su i izvještaji o radu Upravnog, Nadzornog odbora i Tehničke službe Udruženja poslodavaca BPK-a Goražde u proteklom periodu, kao i Program rada i Finansijski plan za 2011. godinu. Umjesto Nihadahmetovića, za predsjednika Upravnog odbora Udruženja poslodavaca izabrana je Munevera Uđanović, a za potpredsjednika Ibro Mađala, dok su za nove članove Nadzornog, odnosno Upravnog odbora, izabrani Mustafa Pašić i Ismet Bukva.</p> <p>IZVOR: www.bpkgo.ba</p></div>